

**OPERATIVNA NAREDBA**  
**REDNI BROJ OPERATIVNE NAREDBE: ON 2 – FCL**

Br. protokola  
2-4-50-1063-1/12

**Direkcija za civilno zrakoplovstvo Bosne i Hercegovine**

Obavještenje o izdavanju operativne naredbe koja se odnosi na obavezu upisa provjere jezičke sposobnosti za jezik koji se koristi u radiotelefonskoj komunikaciji u pilotsku dozvolu

**Datum izdavanja:** 27.07.2012.

**Mjesto izdavanja:** Banja Luka

**Obrazloženje za izdatu operativnu naredbu**

Međunarodna organizacija za civilno zrakoplovstvo (ICAO) utvrdila je obavezu procjene poznavanja nivoa jezičke sposobnosti za osoblje koje učestvuje u radiotelefonskoj komunikaciji u zračnom saobraćaju. Dati zahtjev definiran je ICAO Aneksom 1 (Annex 1 - Personnel Licensing – 1.2.9 Language Proficiency), a njegova primjena je razrađena priručnikom kojim se definiraju zahtjevi za provjeru jezičke sposobnosti - Manual on the Implementation of ICAO Language Proficiency Requirements. Također, obavezu testiranja i procjene nivoa poznavanja engleskog jezika za nosioce ovlaštenja za instrumentalno letenje (IR/SE odnosno IR/ME) definiraju odredbe JAR-FCL 1.200 i 2.200 propisane zahtjevima JAR-FCL 1 i JAR-FCL 2.

Ovom operativnom naredbom uvodi se obaveza upisa minimalno jednog jezika u službenoj upotrebi u BiH u odgovarajuću pilotsku dozvolu, odnosno obaveza upisa nivoa poznavanja engleskog jezika u pilotsku dozvolu za sve pilote koji u predmetnoj dozvoli imaju upisano ovlaštenje za instrumentalno letenje na jednomotornim i višemotornim zrakoplovima (IR/SE odnosno IR/ME).

Obavezu upisa engleskog jezika u odgovarajuću pilotsku dozvolu ima letačko osoblje koje učestvuje u izvođenju letačkih operacija u međunarodnom zračnom saobraćaju, osim onih zemalja u kojima je službeni jezik u radiotelefonskoj komunikaciji jedan od jezika u službenoj upotrebi u BiH.

Uvjeti za upis određenog nivoa jezičke sposobnosti za jezik koji se koristi u radiotelefonskoj komunikaciji su:

- A. Za jezik koji se koristi u službenoj upotrebi u BiH i/ili engleski jezik, putem testiranja  
Piloti koji nakon testiranja (provjere) dobiju zadovoljavajući nivo poznavanja engleskog jezika (nivo 4/5/6) imaju pravo upisati provjeru poznavanja jezika u službenoj upotrebi u BiH i/ili engleskog jezika sa rokom trajanja u rubrici "XIII Primjedbe/Remarks" u dozvoli (testiranje sprovodi BHDCA putem ovlaštenih ispitivača za jezik u službenoj upotrebi u BiH)
- B. Za engleski jezik  
Procijenjeni nivo 6 poznavanja engleskog jezika moguće je upisati u dozvolu ispunjavanjem jednog od uvjeta koji su definirani u ICAO priručniku za implementaciju ICAO zahtjeva za procjenu nivoa poznavanja jezika, Poglavlje 6., tačka 6.2.8.11, a koji su definirani kroz sljedeći zahtjev:
  - da se radi o jeziku koji je ispitanik koristio tokom djetinjstva u porodici, zajednici i obrazovanju, i/ili
  - da je duge periode boravio (uz dokaz) u zajednicama u kojima se predmetni jezik koristi u društvenom, profesionalnom ili obrazovnom okruženju, i/ili
  - da je ispitanik proveo duže periode tokom kojih je učio jezik ili sticao diplome iz visokog obrazovanja

Kandidat je dužan da o školovanju ili životu i radu u državi govornog područja za jezik koji je predmet upisa dostavi detaljne dokaze BHDCA.

Nepostupanje po ovoj operativnoj naredbi za posljedicu ima neizdavanje JAR-FCL letačke dozvole letačkom osoblju obuhvaćenom ovom operativnom naredbom.

**Razlog izdavanja operativne naredbe**

U periodu pune primjene zahtjeva JAR-FCL u oblasti letačkih licenci uočeni su nedostaci koji direktno utiču na nivo sposobnosti komunikacije letačkog osoblja u toku izvođenja letačkih operacija u zračnom prostoru BiH.

Uvođenjem ove operativne naredbe, BHDCA u potpunosti osigurava sve preduvjete za izdavanje dozvola u skladu sa ICAO i JAR-FCL 1 i 2 zahtjevima.

Potpis generalnog direktora: \_\_\_\_\_

